



სსიპ მასწავლებელთა პროფესიული განვითარების ეროვნული ცენტრი

სატენდერო დოკუმენტაცია

სასტუმრო მომსახურების

ელექტრონული ტენდერის

საშუალებით შესყიდვა

cpv 55100000 - სასტუმროს მომსახურება

(cpv 55110000 - სასტუმროში დაბინავების მომსახურება, cpv 55120000 - სასტუმროში შეხვედრების და კონფერენციების ორგანიზების მომსახურება, cpv 55130000 - სასტუმროსთან დაკავშირებული სხვა მომსახურებები)

ქ. თბილისი

2013 წ.

ელექტრონული ტენდერით სასტუმრო მომსახურების შესყიდვა განხორციელდება "სახელმწიფო შესყიდვების შესახებ" საქართველოს კანონისა და "გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ" სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად (იხ. ვებ გვერდი www.procurement.gov.ge).

ტექნიკური დოკუმენტაცია

პრეტენდენტმა უნდა უზრუნველყოს სსიპ მასწავლებელთა პროფესიული განვითარების ეროვნული ცენტრის მიერ ორგანიზებული კონფერენციისათვის სასტუმრო და საკონფერენციო მომსახურების გაწევა, რომელიც მოიცავს მონაწილეთა სატრანსპორტო, სასტუმრო და კვებით ხარჯებს.

მომსახურების გაწევის სავარაუდო ადგილი: სასტუმრო უნდა მდებარეობდეს თბილისის ფარგლებს გარეთ, საქართველოს მთავრობის 2013 წლის 31 ოქტომბრის №1532 განკარგულებით შესაბამისი კვარტლისთვის განსაზღვრული რეგიონების ადმინისტრაციულ საზღვრებში;

სასტუმრო მომსახურების გაწევის ვადა:

2013 წლის 21-22 დეკემბერი.

ტექნიკური დავალება

1. სასტუმრო მომსახურების ძირითადი მახასიათებელი მოიცავს:

1.1. სასტუმროში მონაწილეების დაბინავებასთან დაკავშირებული მომსახურება კვებით (შვედური მაგიდა);

- ✓ 120-დან 10 მონაწილე განთავსდება ერთადგილიან, ხოლო 110 მონაწილე - ორადგილიან, სამ ადგილიან და/ან ოთხადგილიან ნომრებში (ორი დღე და ერთი ღამე); (ოთხადგილიანი შემთხვევაში სველი წერტილის რაოდენობა ოთახში უნდა იყოს ორი) ღამისთევა, ოთახები ინდივიდუალური საწოლებით (გასაშლელი საწოლები არ იგულისხმება) და ინდივიდუალური სველი წერტილებით, ცივი/ ცხელი წყალი და გათბობა/კონდიციონერა (24 საათი), ინტერნეტის მუდმივი მომსახურება - Wi-Fi ქსელი როგორც ყველა ოთახში. ინტერნეტის მინიმალური სიჩქარე 1 მგბ/წმ.; ოთახებში დაცული უნდა იყოს სანიტარული ნორმები; სასტუმროს პერსონალმა უნდა უზრუნველყოს სტუმრების ტვირთის მიტანა მათ კუთვნილ ოთახებამდე და მისი შემდგომი უსაფრთხოება. ოთახში უნდა იყოს შესაბამისი რაოდენობის პირველადი ჰიგიენის პროდუქტები (საპონი, შამპუნი, დასაბანი გელი და სხვა). ოთახებში სასმელი წყალი ბოთლებში: სასტუმროს 1 ბინადარზე 0,5 ლიტრიანი ბოთლი.
- ✓ კვება (შვედური მაგიდა) - 2 საუზმე, 2 სადილი, 1 ვახშამი, 1 შესვენება ყავაზე (იხილეთ დანართი).

1.2. შეხვედრებთან და კონფერენციასთან დაკავშირებული მომსახურება (საკონფერენციო ოთახი, სატრენინგო ფართის დაქირავება)

- ✓ 1 საკონფერენციო ოთახი 2 დღე 120 მონაწილეზე, 1 მობილური მიკროფონი, 2 დასადგამი მიკროფონი, ბლოკნოტი და პასტა თითოეული მონაწილისთვის, დაფა და ბორდ მარკერი, ფლიპ ჩარტი, პროექტორი და პროექტორის დაფა, ლეპტოპი, ინტერნეტი, სამუშაო მაგიდები 7-10 მონაწილისთვის, კათედრა 5 ორგანიზატორისათვის. 120 ნახევარლიტრიანი ბოთლი მინერალური წყალი და ჭიქები მონაწილეებისთვის; Wi-Fi ქსელი სატრენინგო და საკონფერენციო ოთახებში. ინტერნეტის მინიმალური სიჩქარე 1 მგბ/წმ.;
- ✓ 2 ტრენინგ ოთახი - 2 დღე, მაგიდა და სკამები 40 მონაწილისათვის. თეთრი დაფა და საწერი ბორდ მარკერი. ფლიპ ჩარტი მთლიანად 3 ცალი;

1.3. ტრანსპორტირება

- ✓ 118 მონაწილის ტრანსპორტირება კომფორტული მიკროავტობუსებით (არაუმეტეს 20 ადგილიანი) და/ან ავტობუსებით თბილისის მასწავლებლის სახლიდან 21 დეკემბერს დილით (09:00-10:00 საათზე) სასტუმრომდე და გამომგზავრება სასტუმროდან 22 დეკემბერს (15:30 საათზე) თბილისის მასწავლებლის სახლამდე. მასწავლებლის სახლი მდებარეობს: ქ. თბილისი, გმირ კურსანტთა ქ. №1;
- ✓ სატრანსპორტო საშუალება უნდა იყოს საექსპლუატაციოდ გამართულ მდგომარეობაში;
- ✓ ტრანსპორტირების დროს დაცული უნდა იყოს ყველა უსაფრთხოების ნორმა;
- ✓ სატრანსპორტო საშუალება აღჭურვილი უნდა იყოს გათბობა-კონდიციონერების გამართული სისტემით.

2. აუცილებელი პირობები:

- 2.1. მიმწოდებელს უნდა გააჩნდეს ანალოგიური მომსახურების გაწევის არანაკლებ 2 წლიანი გამოცდილება.
- 2.2. ანგარიშსწორების სავალდებულო პირობები:
 - ✓ ანგარიშსწორება მოხდება უნაღდო ანგარიშსწორებით ლარში;
 - ✓ ხელშეკრულებით განსაზღვრული ღირებულება ანაზღაურდება ფაქტიურად გაწეული მომსახურების მიხედვით, ფაქტიურად გაწეული მომსახურების თაობაზე მიღება-ჩაბარების აქტის გაფორმებიდან 15 სამუშაო დღის განმავლობაში. ამასთან, მიმწოდებელმა უნდა წარმოადგინოს ანგარიშ-ფაქტურა და იმ პირთა დამოწმებული სია, რომელთაც გაეწია სასტუმროში დაბინავების მომსახურება;
 - ✓ წინასწარი ანგარიშსწორება (ავანსი) არ გამოიყენება.
- 2.3. პრეტენდენტს არ აქვს უფლება წარმოადგინოს ალტერნატიული სატენდერო წინადადება;
- 2.4. პრეტენდენტი ვალდებულია გაეცნოს და დაეთანხმოს აფიდავიტის პირობებს, რა სახითაც იგი წარმოდგენილი იქნება სახელმწიფო შესყიდვების ერთიან ელექტრონულ სისტემაში, სატენდერო წინადადების წარდგენამდე.
- 2.5. მიმწოდებლის მიერ ელექტრონულ სისტემაში ატვირთული ყველა დოკუმენტი უნდა იყოს ხელმოწერილი და ბეჭედდასმული;
- 2.6. შესყიდვის ობიექტის ღირებულება შეიძლება შემცირდეს ფაქტობრივად გაწეული მომსახურების მიხედვით;
- 2.7. სასტუმროში მონაწილეების დაბინავების მომსახურება, კვება-შვედური მაგიდა და შეხვედრების და კონფერენციების ორგანიზების მომსახურება (საკონფერენციო ოთახი, სატრენინგო ფართის დაქირავება) მიმწოდებლის მიერ გაწეულ უნდა იქნეს ერთ სივრცეში;
3. პრეტენდენტებმა ტექნიკური დოკუმენტაციის სახით სისტემაში უნდა ატვირთონ შემდეგი დოკუმენტები და ინფორმაციები:
 - 3.1. ინფორმაცია კომპანიის რეკვიზიტების შესახებ (ორგანიზაციის ან ფიზიკური პირის დასახელება, იურიდიულ მისამართი, ტელეფონის/ფაქსის ნომერი, საბანკო რეკვიზიტები, ხელმძღვანელ(ებ)ის სახელი და გვარი);
 - 3.2. გასაწევი მომსახურების ფასების ცხრილი დანართი №1-ის შესაბამისად;
 - 3.3. ინფორმაცია ბოლო 2 (ორი) წლის განმავლობაში გაწეული მომსახურების შესახებ (დანართი №3-ის შესაბამისად);
 - 3.4. ინფორმაცია პრეტენდენტის მიერ შემოთავაზებული მომსახურე სასტუმროს შესახებ (სასტუმროს ადგილმდებარეობა, ზუსტი მისამართი, ტელეფონი/ფაქსი, სასტუმროს აღწერილობა, სასტუმრო ნომრების, საკონფერენციო/ტრენინგ-ოთახების რაოდენობა და ა.შ. სატენდერო დოკუმენტაციის შესაბამისი მომსახურების პირობები);
 - 3.5. შუამავალი კომპანიის მონაწილეობის შემთხვევაში, პრეტენდენტმა უნდა წარმოადგინოს ინფორმაცია (დასტური) იმის თაობაზე, რომ შემოთავაზებული სასტუმროს ადმინისტრაცია გაცნობილია სატენდერო დოკუმენტაციის პირობებს და მზად არის გასწიოს სასტუმრო მომსახურება სატენდერო დოკუმენტაციაში მითითებული პირობების მიხედვით. აღნიშნული დოკუმენტი დამოწმებული უნდა იყოს (ხელმოწერებით და/ან ბეჭედებით) როგორც სასტუმროს, ასევე პრეტენდენტის მიერ.

3.6. ინფორმაცია ტრანსპორტით მომსახურების დროს გამოყენებული სატრანსპორტო საშუალებების შესახებ, სატრანსპორტო საშუალებების სახეობის (მიკროავტობუსის/ავტობუსი) ადგილების და სატრანსპორტო საშუალებების რაოდენობის მითითებით.

4. სატენდერო კომისიის აპარატის იმ წევრის ვინაობა და საკონტაქტო ინფორმაცია, რომელსაც უფლება აქვს გასცეს ინფორმაცია და განმარტებები შესყიდვის პროცედურების შესახებ. დამატებითი ინფორმაცია დაინტერესებულ პირებს შეუძლიათ მიიღონ ს.ს.ი.პ. "მასწავლებელთა პროფესიული განვითარების ეროვნული ცენტრში", შემდეგ მისამართზე: ქ. თბილისი, გმირ კურსანთა ქ. №1, III სართული, ტელ: 220 0 220 (4601) მობ: მობ: 599 727 727 საკონტაქტო პირი: მაია გულორდავა, ელ. ფოსტა: mgulordava@tpdc.ge.

5. სახელმწიფო შესყიდვის შესახებ ხელშეკრულების პროექტი ხელშეკრულება სახელმწიფო შესყიდვის შესახებ

(ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში).

ქ. თბილისი

_____ 2013 წ.

ერთის მხრივ, სსიპ მასწავლებელთა პროფესიული განვითარების ეროვნული ცენტრი (შემდგომში „შემსყიდველი“), წარმოდგენილი დირექტორის გია მამულაშვილის სახით და მეორეს მხრივ, _____ (შემდგომში „მიმწოდებელი“), წარმოდგენილი --- ----- სახით (შემდგომში ერთობლივად მხარეები), „გამარტივებული შესყიდვის, ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ 2011 წლის, 7 აპრილის სახელმწიფო შესყიდვების სააგენტოს თავმჯდომარის, №9 ბრძანების შესაბამისად, სასტუმრო მომსახურების (cpv 55110000 - სასტუმროში დაბინავების მომსახურება, cpv 55120000 - სასტუმროში შეხვედრების და კონფერენციების ორგანიზების მომსახურება, cpv 55130000 - სასტუმროსთან დაკავშირებული სხვა მომსახურებები) შესყიდვაზე, ელექტრონული ტენდერის ჩატარების შედეგად, რომელიც გამოცხადებულ იქნა შემსყიდველის მიერ 2013 წლის -- ---- (სატენდერო განცხადების №SPA13----), დებენ წინამდებარე სახელმწიფო შესყიდვების შესახებ ხელშეკრულებას შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომ - „ხელშეკრულება“) - შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.1. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.2. „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.3. „შესყიდვის ობიექტი“ - წინამდებარე ხელშეკრულების მე-2 მუხლით გათვალისწინებული ხელშეკრულების საგანი;
- 1.4. „მიმწოდებელი“ ნიშნავს პირს, რომელმაც მოიპოვა გამარჯვება ტენდერში და უზრუნველყოფს მომსახურების გაწევას სახელმწიფო შესყიდვის შესახებ მოცემული ხელშეკრულების ფარგლებში;
- 1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს.
- 1.6. „სატენდერო დოკუმენტაცია“ - შესყიდვის ობიექტისა და პრეტენდენტების საკვალიფიკაციო მოთხოვნების აღწერის მიზნით სატენდერო განცხადებაზე №SPA13----- თანდართული დოკუმენტაცია;
- 1.7. „სატენდერო წინადადება“-მიმწოდებლის მიერ №SPA13----- ელექტრონული ტენდერით წარმოდგენილი ტექნიკური დოკუმენტაცია და ელექტრონული ვაჭრობის შედეგად დადგენილი საბოლოო ფასი (შესაბამისი დაზუსტებული ფასების ცხრილი).

2. ხელშეკრულების საგანი

ხელშეკრულების საგანია სასტუმრო მომსახურების გაწევა სატენდერო დოკუმენტაციაში მოცემული ტექნიკური დავალების შესაბამისად. ხელშეკრულების ფარგლებში გაწეული მომსახურება უნდა შეესაბამებოდეს ტექნიკურ დავალებაში მითითებულ სტანდარტებს. სატენდერო დოკუმენტაციაში მოცემული მომსახურების მახასიათებლებიდან ერთ-ერთის დარღვევის, შეუსრულებლობის ან უხარისხოდ შესრულების შემთხვევაში შემსყიდველი ჩათვლის, როგორც ვალდებულების შეუსრულებლობას მიმწოდებლის მხრიდან და გამოიყენებს საქართველოს კანონმდებლობითა წინამდებარე ხელშეკრულებით გათვალისწინებულ შესაბამის უფლებამოსილებას.

3. ხელშეკრულების ღირებულება

3.1. წინამდებარე ხელშეკრულების საერთო ღირებულება შეადგენს ---- (-----) ლარს;

3.2. წინამდებარე ხელშეკრულების ღირებულებაში შედის საქართველოს კანონმდებლობით დადგენილი ყველა გადასახადი, რომლის გადახდაც ეკისრება მიმწოდებელს.

4. ხელშეკრულების შესრულების კონტროლი

4.1. შემსყიდველს ან მის წარმომადგენლებს უფლება აქვთ ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე და განახორციელოს მომსახურების ხარისხის პერიოდული ინსპექტირება;

4.2. მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი;

4.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა;

4.4. ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულების სხვა ვალდებულებებისაგან;

4.5. მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებს -----, რომელიც წინამდებარე ხელშეკრულებაზე ხელმოწერით ადასტურებს, რომ აღნიშნული შესყიდვის განხორციელებაში მისი მონაწილეობა არ იწვევს ინტერესთა კონფლიქტს („სახელმწიფო შესყიდვების შესახებ“ საქართველოს კანონის მე-8 მუხლის, პირველი პუნქტის „გ“ და „ე“ ქვეპუნქტები).

5. მომსახურების გაწევის ვადები

მომსახურების გაწევა განხორციელდება 2013 წლის ---- ------.

6. შესყიდვის ობიექტის მიღება-ჩაბარების წესი

6.1. შესყიდვის ობიექტის მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ **ფაქტიურად გაწეულის მომსახურების თაობაზე** მიღება-ჩაბარების აქტის გაფორმებით (შემსყიდველის მხრიდან მიღება-ჩაბარების აქტების გაფორმებაზე უფლებამოსილ პირებს წარმოადგენენ წინამდებარე ხელშეკრულების მე-4 მუხლის 4.5 პუნქტში მითითებული პირი);

6.2. მიღება-ჩაბარების აქტის გაფორმების საფუძველს წარმოადგენს მიმწოდებლის მიერ წარმოდგენილი ანგარიშები;

6.3. მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია.

7. ანგარიშსწორება

7.1. შემსყიდველი იღებს ვალდებულებას აუნაზღაუროს მიმწოდებელს ხელშეკრულებით განსაზღვრული ღირებულება **ფაქტიურად გაწეული მომსახურების შემდგომ**, მიღება-ჩაბარების აქტის გაფორმებიდან 15 სამუშაო დღის განმავლობაში. ამასთან მიმწოდებელმა უნდა წარმოადგინოს ანგარიშ-ფაქტურა ფაქტიურად გაწეული მომსახურების ღირებულების გათვალისწინებით და იმ პირთა დამოწმებული სია, რომელთაც გაეწია სასტუმროში დაბინავებისთან დაკავშირებული მომსახურება;

7.2. ანგარიშსწორება მოხდება ლარებში;

7.3. გადახდის ფორმა – უნაღდო, გადარიცხვა მიმწოდებლის საბანკო ანგარიშზე.

8. ხელშეკრულებაში ცვლილებების შეტანა (ღირებულების გადასინჯვა)

8.1. მიმწოდებლის მიერ დაფიქსირებული გასაწევი მომსახურების ფასი წარმოადგენს ხელშეკრულების ღირებულებით პარამეტრებს;

8.2. ხელშეკრულების ღირებულებითი პარამეტრების შეცვლა ხელშეკრულების მოქმედების მთელი პერიოდის განმავლობაში დაუშვებელია;

8.3. ხელშეკრულების ღირებულებითი პარამეტრების შეცვლა დასაშვებია მხარეთა შეთანხმებით;

8.4. ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა;

8.5. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

9. ხელშეკრულებაში ცვლილებების შეტანა

9.1. არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა;

9.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია;

9.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა „სახელმწიფო შესყიდვების შესახებ“ საქართველოს კანონის და ამ დებულების მოთხოვნათა გათვალისწინებით;

9.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10. უფლებების გადაცემა

მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები მესამე პირს.

11. გარანტია

11.1. მიმწოდებელი ვალდებულია შეტყობინების მიღებისთანავე განახორციელოს უხარისხოდ შესრულებული მომსახურების ან მისი ნაწილის გამოსწორება შემსყიდველის მხრიდან რაიმე დამატებითი დანახარჯების გაწევის გარეშე;

11.2. მიმწოდებლის მიერ ამ ვალდებულების შეუსრულებლობის შემთხვევაში შემსყიდველს უფლება აქვს თვითონ მიიღოს ზომები წარმოქმნილი დეფექტების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება ან გამოქვითოს ეს თანხა ხელშეკრულების მიხედვით მიმწოდებლისათვის გადასახდელი თანხიდან.

12. ხელშეკრულების პირობების შეუსრულებლობა

12.1. „შემსყიდველი“ უფლებამოსილია ხელშეკრულებით ნაკისრი პირობებისა და ვალდებულებების შეუსრულებლობის ან/და არაჯეროვნად არასრულად შესრულების გამო დააკისროს „მიმწოდებელს“ პირგასამტეხლო სახელშეკრულებო ღირებულების 5%-ის ოდენობით;

12.2. ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობის ან/და დაგვიანებით შესრულების შემთხვევაში გამოიყენება საჯარიმო სანქციები;

12.3. ხელშეკრულებით ნაკისრი ვალდებულებების შეუსრულებლობის ან წინამდებარე ხელშეკრულების მე-5 მუხლით განსაზღვრული მომსახურების ვადის გადაცილებისათვის მიმწოდებელს დაეკისრება პირგასამტეხლოს გადახდა, ვადაგადაცილებულ დღეზე ხელშეკრულების ღირებულების 5%-ის ოდენობით;

12.4. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან;

12.5. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 10%-ს, შემსყიდველს უფლება აქვს ცალმხრივად შეწყვიტოს ხელშეკრულება.

13. ხელშეკრულების შეწყვეტა მისი პირობების შეუსრულებლობის გამო

13.1. მიმწოდებლის მიერ ხელშეკრულების პირობების შეუსრულებლობის შემთხვევაში შესყიდველს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ;

13.2. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან;

13.3. ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან;

13.4. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასურებელი დოკუმენტები ყალბი აღმოჩნდება;

დ) საქართველოს კანონმდებლობით გათვალისწინებულ სხვა შემთხვევებში.

13.5. ამ მუხლის მე-5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება;

13.6. შემსყიდველი უფლებამოსილია მთლიანად ან ნაწილობრივ ცალმხრივად შეწყვიტოს ხელშეკრულება, თუკი მიმწოდებლის მხრიდან შესყიდვის ობიექტის მიწოდების ვადების დარღვევის პერიოდი აღემატება 20 კალენდარულ დღეს.

14. ხელშეკრულების მოქმედების ვადა წინამდებარე ხელშეკრულება ძალაშია ზემოთ მითითებული თარიღიდან მხარეთა მიერ ხელშეკრულებით გათვალისწინებული ვალდებულებების სრულ და ჯეროვან შესრულებამდე, 2013 წლის ----- ჩათვლით.

15. ფორს-მაჟორი

15.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი;

15.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა;

15.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

16. სადაო საკითხების გადაწყვეტა

16.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ;

16.2. თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხრეს დავის გადაწყვეტის მიზნით შეუძლია დადგენილი წესის და მიხედვით მიმართოს საქართველოს სასამართლოს, თუ ხელშეკრულების პირობებში სხვა რამ არ არის გათვალისწინებული.

17. დავების გადაჭრის წესი

ამ ხელშეკრულების შესრულების დროს წამოჭრილი ყველა დავა შეძლებისდაგვარად გადაიჭრება მხარეთა შორის მოლაპარაკების გზით. შეთანხმების მიუღწევლობის შემთხვევაში დავას წყვეტს სასამართლო.

18. ხელშეკრულების ენა

ხელშეკრულება შედგენილი უნდა იქნეს ქართულ ენაზე.

19. სხვა პირობები

19.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე;

19.2. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით;

19.3. ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და ორი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე;

19.4. გამარჯვებული პრეტენდენტის მიერ წარმოდგენილი სატენდერო წინადადება და დანართები თან ერთვის ხელშეკრულებას და წარმოადგენს მის განუყოფელ ნაწილს.

19.5. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

შესყიდველი

მიმწოდებელი

სსიპ მასწავლებელთა პროფესიული
განვითარების ეროვნული ცენტრი
საიდენტიფიკაციო კოდი: 202374251
გმირ კურსანტთა ქ. №1
სახელმწიფო ხაზინა. ბანკის კოდი: TRESGE22,
ანგარიშის №GE24NB0330100200165022;

გია მამულაშვილი

შპს "-----"
საიდენტიფიკაციო კოდი: -----
მის: -----
ტელ/ფაქსი: ---
ბანკი: ----
კოდი:-----, ა/ა:-----

დანართი №1

ტექნიკური დავალება - განხორციელების ვადა: 120 მონაწილე 2013 წლის 21-22 დეკემბერი
სასტუმროში დაბინავებასთან დაკავშირებული მომსახურება (120 მონაწილე)

მომსახურების დასახელება	რაოდენობა (კაცი)	დღეების რაოდენობა	ერთეულის ფასი (ლარი)	სულ ფასი (ლარი)
ერთადგილიანი ნომერი	10	1		
ორადგილიანი ნომერი		1		
სამადგილიანი ნომერი	110	1		
ოთხადგილიანი ნომერი		1		
ჯამში სასტუმროში დაბინავების მომსახურება				

კვებითი მომსახურება - შვედური მაგიდა, ყავა-ჩაი (120 მონაწილე)

მომსახურების დასახელება	რაოდენობა (კაცი)	დღეების რაოდენობა	ერთეულის ფასი (ლარი)	სულ ფასი (ლარი)
საუზმე	120	2		
სადილი	120	2		
ვახშამი	120	1		
ყავა-ჩაი	120	1		
ჯამში სასტუმროში კვებასთან დაკავშირებული მომსახურება 120 მონაწილესათვის				

შებენიდან და კონფერენციასთან დაკავშირებული მომსახურება (საკონფერენციო ოთახი -120 მონაწილისათვის, ტრენინგ (შებენიდან) ოთახის დაქირავება)

მომსახურების დასახელება	რაოდენობა	დღეების რაოდენობა	ერთეულის ფასი (ლარი)	სულ ფასი (ლარი)
საკონფერენციო ოთახი (120 მონაწილე)	1	2		
ტრენინგ ოთახი (40 მონაწილე)	2	2		
ჯამში სასტუმროში შენობიდან და კონფერენციებთან დაკავშირებული მომსახურება				

სატრანსპორტო მომსახურება, მიმართულება-თბილისის მასწავლებლის სახლიდან და უკან
(მაქსიმუმ 118 პერსონა)

სატრანსპორტო საშუალების სახეობა (მიკროავტობუსი)	სატრანსპორტო საშუალების აღწერა (ადგილების რაოდენობა/გათბობა კონდიციონერზე)	რაოდენობა (ავტოსატრანსპორ ტო საშუალება)	ერთეულის ფასი (ლარი)	სულ ფასი (ლარი)
სატრანსპორტო მომსახურების ღირებულება				

სასტუმრო მომსახურების ძირითადი მახასიათებლები

	ფასი (ლარი)
სასტუმროში დაბინავებასთან დაკავშირებული მომსახურება 120 მონაწილესათვის	
სასტუმროში კვებასთან (შვედური მაგიდა, ყავა-ჩაი) დაკავშირებული მომსახურება 120 მონაწილესათვის	
შებენიდან და კონფერენციასთან დაკავშირებული მომსახურება	

ტრანსპორტირება (118 მონაწილე)	
სატენდერო წინადადების ფასი (ჯამი)	

შენიშვნა: ანგარიშწორება მოხდება ფაქტიურად გაწეული მომსახურების მიხედვით. ამასთან, სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით

სატენდერო წინადადების ფასი შეადგენს ----- (-----) ლარს.

პრეტენდენტის ხელმოწერა და ორგანიზაციის ბეჭედი -----

დანართი №2

მომსახურება უნდა მოიცავდეს სამჯერად კვებას – შემოთავაზებული მენიუ უნდა იყოს მდიდარი რაციონის და იცვლებოდეს პერიოდულად. მენიუ უნდა მოიცავდეს სამარხვო და არასამარხვო კერძებს ამასთან, მინიმუმ უნდა შეიცავდეს:

საუზმე:

- ✓ რძის ნაწარმი (2 სახეობის);
- ✓ გარნირი (2 სახეობის);
- ✓ პურ-ფუნთუშეული (2 სახეობის);
- ✓ სასმელი (ჩაი, ყავა, წვენი) და შაქარი.
- ✓ ხილი (4 სახეობის)
- ✓ ჯემი.
- ✓ ძეხვეული (2 სახეობის).

სადილი:

- ✓ წვნიანი (1 სახეობის);
- ✓ რძის საწარმი (2 სახეობის);
- ✓ ცხელი კერძი (2 სახეობის: ხორციანი და თევზეული);
- ✓ სალათი (2 სახეობის);
- ✓ დესერტი (2 სახეობის);
- ✓ სასმელი (ჩაი, ყავა, წვენი, გაზიანი- არა ალკოჰოლური სასმელი, მინერალური წყალი);

ვახშამი:

- ✓ ძეხვეული (2 სახეობის);
- ✓ ცომეული (2 სახეობის);
- ✓ რძის ნაწარმი (2 სახეობის);
- ✓ ხილი
- ✓ სასმელი (ჩაი, ყავა, მინერალური წყალი);

ყავისა და ჩაის შესვენება:

- ✓ ყავა უნალექო;
- ✓ ჩაი 2 სახეობის: მწვანე და შავი;
- ✓ ნამცხვარი 2 სახეობის (სამარხვო და არა სამარხვო. არა ქარხნული დამზადების ე.წ. „პეჩენია“)
- ✓ რძე;
- ✓ შაქარი.

შენიშვნა: კვებით მომსახურების ზუსტი დრო განისაზღვრება შემსყიდველთან შეთანხმებით. ამასთან, შემოთავაზებული საკვები უნდა იყოს ახალი, ჩაი და ყავა უნდა იყოს შეუზღუდავი რაოდენობით.

დანართი №3

ინფორმაცია ბოლო 2 (ორი) წლის განმავლობაში გაწეული მომსახურების შესახებ

№	გაწეული მომსახურების დასახელება	დამკვეთი ორგანიზაციის დასახელება	გაწეული მომსახურების პერიოდი	ხელშეკრულების ღირებულება
1				
2				
...				

პრეტენდენტის ხელმოწერა და ორგანიზაციის ბეჭედი: -----